

Bolaks AS

5640 EIKELANDSOSEN

Dato: 07.06.2018

Vår ref.: 2018/11533-2

Saksbehandlar: Endre Korsøen

Telefon: 917 64 632

Bolaks AS - Løyve til lenging av mellombels løyve til oppdrett av matfisk av laks og aure på lokalitet 33337 Lyngnes i Fusa kommune

Vi syner til Dykkar søknad av 01.06.2018.

Vedtak

Bolaks AS, org. nr. 930391328, med akvakulturløyva H-FS-6, H-FS-10, H-FS-14 og H-FS-17, får med dette mellombels løyve til å etablere flytande akvakulturanlegg for oppdrett av matfisk av laks (*Salmo salar*), aure (*Salmo trutta*) og regnbogeaure (*Oncorhynchus mykiss*) på følgjande lokalitet i Fusa kommune:

Lokalitetsnr.	Lokalitetsnavn	Kommune	MTB
33337	Lyngnes	Fusa	3120 tonn

Løyve gjeld for ei anleggsplassering som vist i vedlagte kart og som har følgjande koordinatfesta posisjonar i grader og desimalminuttar (Kartdatum Euref 89/WGS84)

Midtpunkt	1	2	3	4	5	6
N60° 7.182'	N 60° 7.109'	N 60° 7.109'	N 60° 7.260'	N 60° 7.260'	N 60° 7.207'	N 60° 7.167'
Ø 5° 43.255'	Ø 5° 43.361'	Ø 5° 43.035'	Ø 5° 43.033'	Ø 5° 43.365'	Ø 5° 43.534'	Ø 5° 43.536'

Lokaliteten er med dette klarert for følgjande akvakulturløyve:
Bolaks AS: H-FS-6, H-FS-10, H-FS-14 og H-FS-17.

Kvart av løyva omfattar ein maksimalt tillaten biomasse på 780 tonn. For nærmare oversikt over kva lokalitetar som er godkjent for dei einiskilde løyva, viser vi til akvakulturregisteret.

Dette løyve erstattar tidlegare lokalitetsklarering for 33337 Lyngnes av 13.02.2015.

Løyvet er mellombels og gjeld frå dags dato og fram til og med 31.12.2021.

Lovheimel

Løyvet er gjeve av Hordaland fylkeskommune med heimel i Lov av 17.06.2005 nr. 79 om akvakultur og Forskrift av 22.12.2004 nr. 1798 om tillatelse for akvakultur for laks, ørret og regnbueørret. Dette løyvet etter akvakulturlova inkluderer løyve etter matlova, dyrevelferdslova, forureiningslova og hamne- og farvannslova.

BAKGRUNN OG SAKSGANG

Om søknaden

Bolaks AS søkte 01.06.2018 om lenging av mellombels løyve til oppdrett av matfisk av laks og aure på lokalitet 33337 Lyngnes i Fusa kommune.

I søknaden viser Bolaks AS til at lokalitet 33337 Lyngnes ble etablert i 2014. Lokaliteten ligg på eit område som har status som dispensasjon frå arealdelen i kommuneplanen. Fusa kommune har i sitt løyve ikkje tidsavgrensa dispensasjonen, men har i vedtaket gitt løyve til å driva på lokaliteten inntil rullering av arealdelen av kommuneplanen er ferdig. Dette arbeidet har tatt tid og er enno ikkje ferdig.

Hordaland Fylkeskommune har i sitt løyve tidsavgrensa løyve til 31.07.2018. Fusa kommune blir ikkje ferdig med planarbeidet innan den tid.

På lokaliteten er det satt ut ca 900.000 vår-18 smolt som skal slaktast ut i løpet av august 2019. Neste utsett er mars 2020.

AS Bolaks søker om lenging av løyve på lokalitet 33337 Lyngnes til arealdelen av kommuneplanen for Fusa kommune er endelig vedtatt.

Sektorstyresmaktene si handsaming

Då lokaliteten er tidlegare godkjent, jf. lokalitetsklarering av 22.01.2013, 19.05.2014 og 13.02.2015 og det ikkje er søkt om endring i bruk av areal eller biomasse er ikkje søknaden send til Fylkesmannen i Hordaland, Mattilsynet Region Sør og Vest, Kystverket Vest, Fiskeridirektoratet Region Vest eller Fusa kommune for handsaming. Det vert ikkje søkt om anna endring enn lenging av eksisterande løyve.

GRUNNGJEVING FOR VEDTAKET

Hordaland fylkeskommune har vurdert søknaden etter lov av 17. juni 2005 nr 79 om akvakultur, og i høve til generelle vilkår for klarering av akvakulturlokalitet som er gjeve i § 30 i laksetildelingsforskrifta som seier at lokalitet for akvakultur kan klarerast dersom:

- a) *det er miljømessig forsvarlig;*
- b) *det er foretatt en avveining av arealinteresser, med særlig vekt på*
 - 1. *søkers behov for areal til planlagt akvakultur,*
 - 2. *alternativ bruk av området til annen akvakultur,*
 - 3. *annen bruk av området, og*
 - 4. *verneinteresser som ikke omfattes av bokstav d.*
- c) *det er gitt tillatelser som kreves etter*
 - 1. *lov 19. desember 2003 nr. 124 om matproduksjon og mattrygghet mv.,*
 - 2. *lov 13. mars 1981 nr. 6 om vern mot forurensninger og om avfall,*
 - 3. *lov 17. april 2009 nr. 19 om havner og farvann.*
 - 4. *lov 24. november 2000 nr. 82 om vassdrag og grunnvann, og*
 - 5. *lov 19. juni 2009 nr. 97 om dyrevelferd; og*
- d) *det ikke er i strid med*
 - 1. *vedtatte arealplaner etter plan- og bygningsloven,*
 - 2. *vedtatte vernetiltak etter kapittel V i lov 19. juni 2009 nr. 100 om forvaltning av naturens mangfold,*
 - 3. *vedtatte vernetiltak etter lov 9. juni 1978 nr. 50 om kulturminner.*

Når det gjeld vurderingar i forhold til avveiging av arealinteresser og vurderingar i høve til løyve etter anna lovverk er dette gjort i tidlegare vedtak om lokalitetsklarering. Det same gjeld i høve til om tiltaket er

miljømessig forsvarleg med omsyn til biologisk mangfald og økologiske effektar. Då det ikkje skjer endringar i arealbruk eller produksjon er det ikkje trong for nye vurderingar av desse punkta.

I vedtak frå Hordaland fylkeskommune av 22.01.2013 fekk Bolaks AS mellombels løyve til å etablere anlegg for oppdrett av matfisk av laks og aure på lokalitet 33337 Lyngnes fram til og med 31.07.2018.

Løyvet vart gjeve mellombels fordi anleggsplassering kom utafor det areal som er sett av til akvakultur i gjeldane kommuneplan, og dispensasjonsvedtaket gjeld berre fram til ny kommuneplan er vedteken.

Akvakulturareala i kommuneplanen i Fusa har ikkje vore revidert sidan den blei vedteken i 2006. Fusa kommune gav i 2010 dispensasjon frå kommuneplanen til å plassera anlegg. Dispensasjonsvedtaket vart påklaga, og Fylkesmannen i Hordaland stadfesta Fusa kommune sitt vedtak i brev av 12.09.2011.

Planprogram for kommunedelplan Akvakultur 2018-2027 vart vedteken av Fusa kommune i 2017, og kommunen har varsla oppstart av planarbeidet. Framlegg til revidert kommuneplan er endå ikkje send på høyring slik at ein ikkje kan vite sikkert når nytt vedtak på kommuneplanen kan vera på plass.

Det er utsett av fisk på lokalitet 33337 Lyngnes våren 2018. Etter ein driftsperiode vil lokaliteten vera brakklagd/tom for fisk ein periode før neste utsett. Det er naturlege å datofeste det lenga mellombelse løyve til ein brakkleggingsperiode. Hordaland fylkeskommune finn å kunne bruke desse driftsplan opplysningane samt uvissa for tidspunkt for endeleg vedtak om ny kommuneplan som grunnlag for å datofeste ei lenging av det mellombelse løyve. I denne omgang vert lokalitet 33337 Lyngnes tidavgrensa fram til og med 31.12.2021.

Naturmangfaldlova

Ved handsaming av søknaden er sakshandsamingsreglane i naturmangfaldlova av 19. juni 2009 nr. 100 § 8 -12 følgt i vurdering av om tiltaket det vert søkt om er miljømessig forsvarleg etter laksetildelingsforskrifta §30a. Søknaden har tidlegare, på vanleg måte etter reglane i akvakulturlova, vore til handsaming hjå kommunen og sektorstyresmaktene, og det er ikkje kome opplysningar om at saka ikkje er tilstrekkeleg opplyst i høve til oppdrettsanlegget si påverknad på naturmangfaldet. Hordaland fylkeskommune vurderer derfor at kunnskapsgrunnlaget er tilstrekkeleg til å fatte eit vedtak. Den samla belastninga på naturmiljøet blir uendra.

Etter ei samla vurdering, etter Lov om akvakultur 17.06.2005 nr. 79, gjev Hordaland fylkeskommune Bolaks AS, org. nr. 930391328, med akvakulturløyva H-FS-6, H-FS-10, H-FS-14 og H-FS-17, mellombels løyve til å etablere flytande akvakulturanlegg for oppdrett av matfisk av laks (*Salmo salar*), aure (*Salmo trutta*) og regnbogeaure (*Oncorhynchus mykiss*) med inntil 3120 tonn MTB på lokalitet Lyngnes i Fusa kommune fram til og med 31.12.2021.

Generelle vilkår

- Anlegget skal ligge i samsvar med vedlagte kart og anleggsskisser og i samsvar med godkjente koordinatar for anlegget sine ytterpunkt.
- Løyve vert gitt utan ansvar til nabo-, eigedom-eller andre privatrettslege forhold.
- Løyve vert gjeve med føresetnad av at etablering, drift og eventuell avvikling vert gjennomført i samsvar med til ein kvar tid gjeldande lover, forskrifter og vilkår.
- Kopi av dette løyvet med vedlegg skal oppbevarast tilgjengeleg for alle medarbeidarar på anlegget og for alle som har kontrollrett.

Som konsesjonsinnehavar har De plikt til å sette Dykk inn i det regelverket som gjeld for løyver etter Akvakulturlova. Akvakulturloven med tilhøyrande forskrifter er tilgjengeleg på www.lovdata.no.

Anna

Hordaland fylkeskommune viser til kravet i § 35 i forskrift av 17.06.2008 nr. 822 om drift av akvakulturanlegg når det gjeld miljøovervaking og rapportering av miljøundersøkingar til myndigheitene. Vi ber om at miljøundersøkingar blir sendt til myndigheitene via Altinn.

Når det gjeld drift av løyve, viser vi til forskrift 17.06.2008 nr. 288 om drift av akvakulturanlegg (akvakulturdriftsforskrifta) og forskrift av 19.3.2004 nr. 537 om internkontroll for å oppfylle akvakulturlovgivinga.

Klagerett

Vedtaket kan klagast på av saka sine partar eller andre med rettsleg klageinteresse innan 3 veker frå det tidspunktet underretninga om avgjerda er komen fram til vedkomande part, sjå om dette i vedlagt orientering. Eventuell klage skal sendast til Hordaland fylkeskommune.

I medhald av forvaltningsloven § 27b er det sett som vilkår for å gå til søksmål at ein har nytta retten til å klage fullt ut. Merk at ei klage ikkje fører til utsett iverksetting av vedtaket. Det er likevel mogleg å søke om at iverksetting vert utsatt til klagesaka er avgjort.

Bård Sandal
fylkesdirektør regional utvikling

Sølve Dag Sondbø
seksjonssjef

Brevet er godkjent elektronisk og har derfor inga underskrift.


Vedlegg:

Utsleppsløyve frå Fylkesmannen i Hordaland 09.04.2014
Løyve frå Mattilsynet Sør og Vest 17.02.2015
Løyve frå Kystverket Vest 28.04.2014 og 02.02.2015
Kart over godkjent plassering
Klageskjema


Kopi:

Fylkesmannen i Hordaland
Fiskeridirektoratet Region Vest
Mattilsynet avdeling Sør og Vest
Kystverket Vest
Fusa kommune

H-FS-6, H-FS-10, H-FS-14 og H-FS-17 Bolaks AS Lokalitet 33337 Lyngnes



33337 Lyngnes - Klarerte ytterpunkt




Målestokk: 1:10 000



AS Bolaks, Lyngnes (33337) - Endelig posisjoner - 28.07.14

Posisjoner, Bunnfeste:	
Line 1	60°07.872N 05°43.058Ø
Line 4	60°07.750N 05°43.377Ø
Line 5	60°07.299N 05°44.063Ø
Line 10	60°07.052N 05°43.803Ø
Line 11	60°06.524N 05°43.573Ø
Line 12	60°06.487N 05°43.467Ø
Line 13	60°06.455N 05°43.370Ø
Line 15	60°06.533N 05°42.480Ø
Line 16	60°06.989N 05°41.603Ø
Line 21	60°07.443N 06°41.741Ø
Posisjoner, Ramme:	
NV	60°07.265N 05°43.050Ø
NØ	60°07.264N 05°43.374Ø
SØ	60°07.115N 05°43.048Ø
SV	60°07.116N 05°43.375Ø
Posisjoner, Flåte:	
Senter	60°07.190N 05°43.538Ø



(1) Sendar (stemplet til forvaltningsorganet) Hordaland fylkeskommune Agnes Mowinckels gate 5 PB 7900 5020 BERGEN	Melding om rett til å klage over forvaltningsvedtak <i>(Forvaltningslova § 27 tredje leddet)</i>
(3) Mottakar (namn og adresse) Bolaks AS	07.06.2018 (4) Klageinstans Fiskeridirektoratet, Kyst- og havbruksavdelinga Postboks 185 Sentrum, 5804 Bergen
Denne meldinga gjev viktige opplysningar dersom De vil klage på eit vedtak De er gjord kjend med.	
Klagerett	De har rett til å klage på vedtaket.
Kven kan De klage til?	Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4).
Klagefrist	Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.
Rett til å krevjegrungjeving	Dersom De meiner at vi ikkje har grungjeve vedtaket, kan De krevje ei slik grungjeving før fristen går ut. Ny klagefrist blir då rekna frå den dagen De får grungjevinga.
Innhaldet i klaga	De må presisere <ul style="list-style-type: none"> - kva for eit vedtak De klagar på - årsaka til at De klagar - den eller dei endringar De ønskjer - eventuelt andre opplysningar som kan ha noko å seie for vurderinga av klaga Klaga må underskrivast.
Utsetjing av gjennomføringa av vedtaket	Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjord.
Rett til å sjå saksdokumenta og til å krevje rettleiing	Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.
Kostnadene med klagesaka	De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning.
Klage til Sivilombodsmannen	Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjord i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.
Særlege opplysningar	

X-0073 N (Godkj. 05-95) Elektronisk utgåve